

三因極一病證方論

九

木本

三因極一病證方論卷之十四

水腫叙

夫腎主元氣天一之水生焉肺主沖化地四之金屬焉元氣乃水中之火所以太陽合少陰主精髓以滋血沖化乃土中之金所以太陰合陽明主肌肉以養氣今腎虛則火虧致陽水凝滯肺滿則土溢使陽金沉潛則氣閉凝滯則血淖經絡不通上為喘急下為腫滿故經曰腎為少陰肺為太陰其本在腎其末在肺皆至陰以積水也所以能聚水而生病者蓋由腎為胃關關鍵不利樞機不轉水乃不行滲透經絡皮膚浮腫諸證不同廣如經說治法曰平治權衡者察脈之浮沉也去菟陳莖者踈滌腸胃也開鬼門潔淨府者發汗利小便也原其所因則冒風寒暑濕屬外喜怒憂思屬內飲食勞逸皆於常經屬不內外皆致此疾治之當究其所因及諸禁忌而為治也

水腫證治脈例

古方十種證候以短氣不得卧為心水兩脇疼痛為肝水大便鴨溇為肺水四肢苦重為脾水腰痛足冷為腎水口苦咽乾為膽水乍虛乍實為大腸水腹急肢瘦為膀胱水小便秘澁為胃水小腹急滿為小腸水各隨其經絡分其內外審其脈證而甄別之然此十水謂之正水外有風水皮水石水黃汗以義攷之風合歸肝皮合歸肺黃汗歸脾石合歸腎雖名理不踰柰證候少異古方備列不可不辨但風水脈浮必惡風皮水亦浮按不沒指石水脈浮不惡風皮水亦浮按不沒指石水脈沉腹滿不喘黃汗脈沉遲發熱多涎久而不愈必致癰膿正水寸口脈浮而遲浮則熱遲則潛熱潛相搏名曰沉跌陽脈浮而數浮則熱數則止止熱相搏名曰伏沉伏相

從於速切
坐止即切
後退水元不
自能

古精瑞南高
古懷庭書記

搏名曰水沉則絡脈虛伏則小便難虛難相搏水走皮膚即為正水此金匱節文所以用寸口跌陽二脈者蓋水氣不在一經也大抵浮脈帶數即是虛寒潛止於其間久必沉伏沉伏則陽虛陰實為水必矣要知水脈必沉論曰脈出者死與病不相應也諸唇黑則傷肝缺盆平則傷心臍出則傷脾足平則傷腎背平則傷肺凡此五傷必不可療也治法曰腰以上腫宜發汗腰以下腫宜利小便學者當知之

復元丹 治水腫夫心腎真火能生脾肺真土今真火氣虧不能滋養真土故土不制水水液妄行三焦不寫氣脈閉塞樞機不通喘息奔急水氣盈溢滲透經絡支膚溢滿足脛尤甚兩目下腫臍股間冷口苦舌乾心腹堅脹不得正偃偃則咳嗽小便不通夢中虛驚不能安卧

附子炮貳兩 南木香煨 茴香炒 川椒炒去汗 獨活

厚朴去皮剉 白朮畧炒 陳橘皮 吳茱萸炒 桂心各壹兩

澤瀉壹兩半 肉豆蔻煨 檳榔各半兩

右壹拾叁味為末糊圓梧子大每服伍拾圓紫蘇湯下不以時此藥世傳屢驗未嘗示人其間君臣佐使與造物同妙服者自知要當屏去諸藥一日三服先次旋利如傾次乃腫消喘止蓋藥能助真火以養真土運動樞機安平必矣法當禁慾并絕鹹半年乃不再作

當歸散 治如前

當歸洗 木香煨 赤茯苓 桂心 檳榔

赤芍藥 牡丹皮 陳皮 木通 白朮各對焙

右為末脚膝頭面腫大小便不快每服貳錢水壹盞紫蘇貳葉淡木瓜壹片如指大同煎八分溫服日叁如已愈常服早晚貳覺氣下或小便快是效藏寒去檳榔臍

正陽丹 治水腫
 已凸添大腹皮木猪苓各壹兩忌烏雞肉鹹酸海味物

宣木瓜乾肆兩濕者壹箇剉童子小 人參壹兩
 大豆黃去皮兩 附子炮半兩 銀朱貳錢
 右為末入銀朱研勻以木瓜膏圓如梧子大每服伍拾圓米湯下食前

消腫圓 治水腫喘滿小便不利

滑石 木通 白朮 黑牽牛炒
 通脫木 茯苓 茯神去木 半夏湯去滑
 陳皮各壹分 木香半分 瞿麥穗 丁香各半錢
 右為末酒糊圓如梧子大每服叁拾圓灯心麥門冬湯温服

消腫散 治水氣浮腫喘呼不得睡煩熱躁擾渴燥大小便利

大黃蜜蒸 山梔炒 甘草炙 乾葛
 橘皮 麻黃去節湯 馬牙硝 川芎各等分

右為細末蜜湯調下貳錢

棗仁散 治水氣浮腫無問久新老少悉可服唯禁鹽必效

棗仁 赤茯苓 桂心各等分

右為末每服貳錢米飲調下

禹餘糧圓 治十腫水氣凡脚膝腫上氣喘滿小便不利但是

水氣悉皆主之
 蛇黃大者叁兩以新鐵銚盛入壹秤炭火中燒蛇黃
 醋與子升中候冷取出 禹餘糧先參兩用真針沙伍兩
 研細則止 禹餘糧先參兩用真針沙伍兩
 以乾子炒乾入禹餘糧壹處用米醋貳升就銚內煎
 淨乾子炒乾入禹餘糧壹處用米醋貳升就銚內煎
 研無聲即止 以三物為主其次量人虛實入下項

藥治花多見取轉唯此方三物既非大熱甘

羌活

木香

茯苓

川芎

牛膝酒浸

白豆蔻炮

土茴香炒

蓬朮炮

桂心

乾薑炮

青皮去穢

京三稜炮

白茯苓

附子炮

當歸酒浸壹宿各半兩虛人若人全用半兩實壯人熱之

右為細末拌極勻以湯浸蒸餅揆去水和藥再擣極勻圓如梧子大食前溫酒白湯下參拾圓至伍拾圓唯忌鹽雖毫末許不得入口若无以為味即水病去後且以醋少許調和食不能忌鹽勿服果欲去病切須忌鹽但試服藥即於小便內旋去不動臟腑病去日日三服兼以溫和調補氣血藥助之真神方也

第一退水圓

能化氣退水腫去死莖利濕通小便

蓬朮炮

三稜煨

桂心

青皮

益智各半兩 巴豆貳兩去皮別研梨本月已豆下粒蓬朮各半兩

右為末麵糊圓如梧子大用黃拖拾箇劈破荆芥黑牽牛酸漿草各少許煎湯空腹下貳參拾圓

第二退水餅

服前藥未效即服此方

甘遂

大戟各半兩

右為末入麵打水調為餅如碁子大火煨熟五更淡茶湯嚼下壹餅

第三大腹子散

取轉後調正胃氣進食

大腹子炒

桂心

茴香炒

陳皮各半兩

右為末每服貳錢米飲調下食前

桃紅散

治正水脹急大小便不利逆欲死方

甘遂半兩半炮 枳殼拾文

右為末研勻每用壹錢以白麵肆兩水調入藥搜和切作碁子白水煮浮更不得使鹽料物只淡食候大小便

利去伍陸分却用後藥調補

平胃散 壹兩 附子 炮

白木 各壹兩 丁香 半兩

右為末和勻每服貳錢水壹盞薑柒片棗叁枚煎柒分不拘時候日叁伍服若脚未退可灸三陰交及風門穴腫退必矣

大圓

治通身腫滿及痰氣食積傷寒感風脾氣橫泄

羌活 白木 各半兩 陳皮 木通

黃芪 桑白皮 各叁分 木香 壹分 黑牽牛 伍兩炒

右為末蜜圓如彈子大治風痰散腹脇壅滯清頭目濃煎生薑湯下取食傷止赤白痢煎棗湯下小便不利燈心湯下傷寒葱茶下如未快用稀粥投之用熱茶湯亦可須柒日後方可服已得瀉急欲止之投冷白粥即自止婦人產前並宜服之既服此藥須住他藥叁日及不得喫生冷葷腥及滋味壹日只軟飯淡粥可也次日早進千金散

藿香 甘草 炙 乾薑 炮 神麴 炒 茯苓 各壹兩

人參 桂心 各半兩 陳皮 厚朴 製各兩

芋蘆大圓

治腫滿腹大四肢枯瘦小便澀濁腥臭方

甜葶蘆 紙隔炒 薺菜根 等分

右為末蜜圓如彈子大每服壹圓陳皮湯嚼下只叁圓小便清數圓腹當依舊

料簡

病有風水皮水石水黃汗皆与正水同為治自別

大豆湯

治風水通身腫骨節疼惡風自汗眼合不得短氣欲

絕其脉浮

大豆

杏仁炒去尖

麻黃去節

防己

茯苓

澤瀉

黃芪

烏頭炮各

半夏湯洗

茯苓

白朮各伍

甘遂炒

甘草各伍

右咬咀每服伍錢水二盞酒半盞薑柒片煎柒分去滓

不計時服以大小便利腫消則停藥未知加生大戟伍

兩葶藶貳兩紙炒香無不快利甘草反甘遂似不當同用

用之却效非人情所可測也

五皮飲

治皮水四肢頭面悉腫按之没指不惡風其腹如故

不喘不渴脈亦浮

大腹皮各

桑白皮各

茯苓皮

生薑皮

陳橘皮各半

右咬咀每服四錢水盞半煎柒分去滓熱服日二三近

人磨木香水少許同煎亦妙

澤瀉湯

治石水四肢瘦腹腫不喘其脈沉

澤漆洗去腥

桑白皮陸兩

射干泔浸

黃芩

茯苓

白朮各肆兩

澤瀉

防己各貳

右咬咀每服五錢水盞蓋烏豆壹合煎貳盞內藥同煎

柒分去滓空腹溫服日叁

黃汗依五疸法治之用黃芪酒

料簡

病有水腫相類者曰膚脹鼓脹腸覃石癥脾氣橫泄五種治

法亦復不同除鼓脹見脹滿門腸覃石癥見婦人門今具膚

脹及脾氣橫泄如后

附子錄曰湯

治寒客皮膚殼殼然而堅腹大身腫按之陷而

不起色不變病名膚脹一劑未知再作

大附子重柒錢若壹隻

生薑生去皮煎半破

葶藶

葶藶

葶藶

葶藶

葶藶

葶藶

葶藶

葶藶

葶藶

右以生薑壹兩切水貳碗煎至壹碗絞去滓分叁服空

臍

腹溫服次日將前附子破作肆片再用棗豆貳兩薑壹兩如前煎服第三日復將附子作捌片如前煎

無礙圓治脾氣橫泄四肢浮腫心腹脹滿喘不得卧

蓬木煨 三稜煨各 大腹皮各貳 木香炮 檳榔壹分

右為末炒麥蘖搗粉為圓如梧子大每服貳拾圓生薑湯下

三稜煎治如前方見癰瘕門

茯苓分氣散治脾胃不和胃膈噎塞腹脇疼痛氣促喘急心

下脹滿飲食不進嘔吐不止兼脾氣橫泄四肢浮腫

五味子 桔梗 茯苓 甘草 陳皮

桑白皮 草果去皮 大腹皮各貳 紫蘇葉十五

右為籠末每服肆錢水壹盞薑叁片鹽少許煎七分去滓食前服

麻黃甘草湯治氣急積久不差遂成水腫如此者眾諸皮中

浮以水攻面目身躄從腰以上腫當以此湯發汗

麻黃貳兩七去節湯 甘草壹兩

右為剉散每服肆錢水壹盞半煎柒分去滓空腹溫服

茯苓蘇子圓治面腫小便澀心腹脹滿

茯苓 蘇子 杏仁去皮尖 橘皮

防己 葶藶各壹

右為末蜜圓如小豆大以桑白皮湯下叁拾圓食後服

料簡

夫洪腫門類極多自正水之餘有風水皮水石水黃汗等分入水門如脾氣橫洩脚氣支滿膏脹鼓腸覃石瘕與夫造作干犯土氣皆作浮腫屬血屬氣理自不同柰外證相類未易別若不預學臨病必迷錯亂汗下皆鑿殺之更有氣分血

孰

別本無此

別本無此

別本無此

分亦入腫門類治法類別其可不學古方類例雖明多見不
學者抄寫數方一道施治儻非其病妄投其藥盛者致困困
者必死况有飲食禁忌種種不同學者勉旃不可輕玩以病
試藥甚為不仁戒之戒之血分方見婦人門
氣分方論附于后

氣分證治

氣分與胃痺中滿皆相類但胃痺屬氣實中滿為氣虛氣分
則挾涎飲氣為涎飲所隔榮衛不利腹滿脇鳴相逐氣轉勝
眊榮衛俱勞陽氣不通則身冷陰氣不通則骨疼陽前通則
惡寒陰前通則痺不仁陰陽相得其氣乃行大氣轉其氣乃
散實則失氣虛則遺溺乃知氣挾涎飲之所為也其脉寸口
遲而濇遲則為氣不足濇則為血不足跌陽脉微而遲微則
為氣遲則寒斯證也名曰氣分

桂附湯治心下堅大如盤邊如旋盤水飲所作名曰氣分

桂心參兩甘草炙

麻黃去節湯
焙乾秤細辛去葉各
貳兩

附子四個炮
去皮

右為剉散每服肆錢水壹盞半生薑柒片棗叁箇煎柒
分去滓温服汗出如虫行皮中即愈會前版

枳木湯治心下堅大如盤邊如旋盤水飲所作名曰氣分

枳實壹兩
半白朮參兩

右為剉散每服肆錢水壹盞半煎柒分去滓温服腹中
軟即當散也

陰癩叙論

夫陰癩屬肝係宗筋胃陽明養之世多不識謂之外腎非特
名義差錯亦使內臟不分其可不辨古方雖出四證但曰腸
癩氣癩水癩卵脹殊不別其所因如腸癩則因房室過度元
臟虛冷腸邊管系不收墜入癩中上下無定謂之腸癩屬不
內外因病者又蓄憂思恐怒兼并隨藏氣下墜陰癩腫脹急

痛名曰氣癩屬內所因病者久坐冷濕濕氣下襲致陰腫脹名曰水癩屬外所病者勞役無節及跨馬坐車致卵核腫脹或偏有大小上下無常名曰卵脹亦屬不內外因有小兒生來便如此者乃宿疾也卵脹腸癩皆難治氣癩水癩治之易愈又寒疝下注入于癩中名爲狐疝亦屬癩病世人因此並以癩病爲疝氣不審之甚婦人陰門挺出亦稱癩病名義不分有如此者

陰癩證治

凡癩病唯腸癩無問貴賤多有之有睡卧管系延入脇下者有墜入囊中者或遇疲勞及天色變動逼上囊根腫急作痛過於寒疝得煖則下其如卵脹有作熱生膿爲癰潰爛者比比有之

茱萸內消圓 治陰癩偏大上攻臍腹疔痛膚囊腫脹或生瘡

癩時出黃水腰腿沉重足脛腫滿行步艱辛服之內消不動腑臟

川練各兩 大腹皮 五味子 海藻洗

玄胡索各兩 茴香炒 桂心 川烏炮去

吳茱萸 石茱萸 白蒺藜各兩 枳實去穢

橘紅 桃仁各兩 木香壹兩半 桔梗

青皮各兩 山茱萸兩

右爲末酒糊圓如梧子大溫酒下參拾圓

大戟圓 治陰癩腫脹或小腸氣痛

大戟去皮劉炒 葫蘆巴炒 木香壹兩 附子炮去

舶上茴香 訶子煨去核 檳榔各壹兩 川練後入

麝香半錢別研

右爲末獨留川練以好酒壹貳升葱白柒枚長參肆寸

蕪川練軟去皮核取肉和上件藥圓如梧子大空心温酒下伍柒圓至拾圓薑湯亦得潮發痲痛炒薑熟酒下拾伍圓治余澄律集之卷六取五效

煉陰丹

治陰器下墜腫脹卵核偏大堅如石痛不可忍

玄胡索微炒去殼 海藻洗 昆布洗 青皮

茴香炒 川練去核 馬蘭花各壹兩 木香半兩

大戟酒浸參宿切焙乾壹分

右為末別將礶砂阿魏安息香各壹分用酒醋各壹升淘參物去砂石熬成膏入麝香壹錢沒藥壹分入前藥和圓如棗豆大用綿灰酒下拾圓至拾伍圓空心服

抵聖圓

治膀胱有熱多因天氣熱而發陰癩腫滿赤痛大便

秘欲飲水按之臍腹痛

續隨子 薏苡仁 郁李仁 茵芋 白牽牛各壹錢

右為末滴水圓如梧子大伍圓用博濟方香薑散噉黃昏服五更利下惡物效

兼金圓

治熱入膀胱臍腹上下兼脇肋疼痛便燥欲飲水按

之痛者

大黃煨紙裹 硝石 桂心 甘草炙各 桃仁津拾箇

右為末蜜圓梧子大米飲下伍柒圓至拾圓婦人血閉疼痛亦宜服之

應痛圓

治敗精惡物不去結在陰囊成疝疼痛不可忍久服

去病

阿魏貳兩醋和用蕎麥麩作餅

檳榔大者貳箇刮作卷子滿盛的乳香將剉下末用蕎麥麵拌作餅子煨火煨熟

右同研為末入礶砂壹錢赤芍藥末壹兩同為麩糊搜和圓如梧子大温酒鹽湯下拾圓至貳拾圓食前服

蜜圓 治囊核堅大行動艱辛發作牽連偏墜疼痛

白痰藜微炒 海藻浸洗 澤瀉各壹 茴香炒壹

挂心 木通 牛膝酒 五味子

木香煨 檳榔各貳兩 茯神去木 人參

遠志水浸去心 川練去皮核 桃仁去皮尖 赤芍藥

續斷 山茱萸 菴蓉酒浸 青皮各津兩

右為末蜜圓梧子大空心食前溫酒鹽湯下參伍拾圓

三白散 治膀胱蘊熱風濕相乘陰癩腫脹大小便不利

白牽牛畧炒 白木半兩 桑白皮 陳皮

木通各半兩

右為末每服貳錢薑湯調下空腹服初進壹服未覺再

進此藥不損臟氣只導利留滯疝方大率多用熱藥此

方唯壅熱證宜服之

蜘蛛散 治陰狐癩氣偏有大小時時上下脹入

蜘蛛拾津筒 桂心半兩

右為末蜜圓梧子大米飲下拾圓

牡丹散 治癩偏大脹不能動坐卧不安

牡丹皮 防風等分

右為末酒服方寸匕小品有桂枝肢鐵精共五味嬰兒以

乳汁調壹字許

香附散 治癩脹

香附子不拘多少

右為末每用酒壹盞煎海藻壹錢重至半盞先滌海藻

嚼細用所煎酒調香附末貳錢服

雄黃散 治陰腫大如斗核痛人所不能治

雄黃壹兩研 礬貳兩研 甘草生半兩

右為劉散以水五升煎洗之

癰疽叙論

事涉後集
十二卷

三手浴法
作醫字

發背癰疽者該三因而有之論云癰疽瘰癧不問虛實寒熱皆由氣鬱而成經亦云氣宿於經絡與血俱澁而不行壅結為癰疽不言熱之所作而後成癰者此乃因喜怒憂思有所鬱而成也又論軀有熱被風冷搏之血脉凝泣不行熱氣壅結而成亦有陰虛陽氣湊襲寒化為熱熱成則肉腐為膿者此乃外因寒熱風濕所傷而成也又服丹石及炙燻酒麪溫床厚被所致又尽力房室精虛氣節所致者此乃因不內外所傷而成也故知三因備矣又論云癰者節也癰者壅也疽者沮也如是但陰陽不平有所壅節皆成癰疽又曰陰滯於陽則發癰陽滯於陰則發疽而此二毒發無定處當以脈別之浮洪滑數則為陽微沉緩濇則為陰陰則熱治陽則冷治

治之之要雖有四節八事所謂初覺則宣熱拔毒已潰則排膿止痛膿尽則消肌肉塞惡肉尽則長肌傳病次序固明若不別其因施治亦昧故治法中有用遠志宣熱者得非內因乎至於外因則用大黃不內外因則用甘草世醫但泥方書多用五香連翹與漏蘆二湯更不知三因所自其可守一法而普攻之既得其因又須觀病淺深與證候吉凶寒則溫之熱則清之虛則補之實則瀉之導以針石灼以艾炷破毒潰

論方古心
乃原即大黃

一翹肘干漏

風之傷也

其清則用排

其者多毒

藥當湯壯

黃者言之

內補散
五膠本則
清肌肉美
丁藥凡香
正括藥根

散添黃芪加入參減桂間有輕者服之稍效若真癰疽為害反甚內補散當用在第四節當煎服內消等藥俟膿尽方得投苟專用之亦所謂守一法也孔子不嘗未達之藥者良有旨哉士夫當深味斯言无輕信醫方誤天下後世謹之謹之

本草原明之為是也肌生則用長肌

癰疽證治

皆

病者脉數身无熱而反洒淅惡寒若有痛處背發其癰腫欲知有膿无膿以手掩上熱者為有膿不熱為无膿此亦大畧說也自有脉不數不熱而疼者蓋發于陰也不疼尤是惡證不可不知凡熱盛脉數即用漏蘆并單煮大黃等湯不甚熱脉緩弱只投五香連翹湯其它依四節八事次序及推三因以用藥未有不全濟也

遠志酒 治一切癰疽發背節毒惡候浸大有死血陰毒在中則不痛傳之即痛有憂怒等氣積而內攻則痛不可忍傳之即不痛或蘊熱在內熱逼人手不可近傳之即清涼或氣虛血冷潰而不斂傳之即斂此本韓大夫宅用以救人極驗若七情內鬱不問虛實寒熱治之必愈神方

遠志

不以多少湯洗去左邊去心

右壹味為末酒壹盞調參錢逢須澄清飲之以滓傳病

大黃湯 孫真人云緩急單煮大黃壹味為湯服即快利此要

法

獨聖湯 治服金石及食炙博飲酒房勞為癰疽及諸惡瘡疼

痛

甘草

半斤生剉

右壹味以水壹斗浸壹宿煎至伍升以下去滓入銀石器煎熬為膏分貳服温酒下臨卧壹服次日五更壹服當取下惡物為效

通聖散 治傷風寒暑濕或泣或散使氣血滯凝肉腐為膿壅結成癰疽隨處發作

大黃

壹兩

木鱉

去殼切

防風

枳殼

桔梗

甘草

各壹分

右為劉散每服肆大錢水壹盞煎柒分去滓入朴消兩錢重煎鎔熟服得踈轉壹兩分即服方金湯若陰證只服萬金不可用通聖雙行也

萬金湯 治癰疽發背發眉發鬚發腦婦人乳癰等定痛去毒

甘草 半兩 沒藥 壹分 瓜蒌 壹箇去皮

右為劉散以无灰酒叁升煮至壹升去滓隨量旋飲尺或出血或出黃水是效

五香連翹湯 治一切惡核瘰癧癰疽惡腫等病

青木香 即船上木香 沉香 薰木香 即乳丁香

麝香 升麻 桑寄生 獨活

連翹 射干 木通 各貳兩 大黃 蒸叁兩

右為劉散每服肆大錢水貳盞煮壹盞以上去滓取捌分清汁空腹熱服半日以上未利再服以利下惡物為度未生肉前服不妨以折去毒熱之氣本方有竹瀝芒消恐泥者不能斟酌故缺之知者自當量入

漏蘆 治癰疽發背丹疔惡肉時行熱毒發作赤腫及眼赤生瘡

漏蘆 白及 黃芩 麻黃 去節

白薇 枳殼 麩炒 升麻 芍藥

甘草 各貳兩 大黃 叁兩蒸

右為劉散每服肆錢水貳盞煎柒分空腹熱服以快利為度本方有芒消可去之只加大黃作伍兩

忍冬酒 治癰疽腫毒甚效

忍冬草 取嫩苗壹握 甘草 捌錢炙劉

右同研入酒壹升半砂瓶塞口煮去滓溫服仍以滓傳

此列本方
治癰疽發背
丹疔惡肉
時行熱毒
發作赤腫
及眼赤生
瘡

千金外治方
下

腫毒上又木蓮葉津拾玖片搯去毛研細酒解溫服功
與忍冬草不相上下又龍鱗薛荔壹握細研以酒解汁
溫服亦能瀉下惡物去其根本

轉毒散 治發背癰疽不問淺深大小利去根本不動元氣神
效

車螯 紫背光厚者一名昌螯 甘草 生壹分 輕粉 半錢重

右以鹽泥固濟車螯火煨取末壹兩入甘草末同輕粉
研勻濃煎括樓酒調下肆錢七五更初服轉下惡物為
度未知再作括樓每用壹箇酒壹碗煎壹盞為壹劑

靈寶膏 治發背癰疽宣熱拔毒排膿止痛
大芥蕪 參拾箇去皮穢取子炒香取仁細研 乳香 貳兩
胡桃 陸拾箇取肉去皮同芥蕪研細 白蜜 壹斤 刺木 伍斤

右以銀石器內慢火熬成膏每服兩大匙溫酒調下不
以時候服

托裏散 治癰疽欲發未潰及已潰服之內托不使透膜

芥蕪子 去穢 鬼腰帶皮 取 皂角刺 射干 即仙人掌根
天羅瓜 取 茴香 木鱉 伍箇 漢椒 各壹兩
右焙乾為末麪薄糊調作餅炙乾為末每服貳錢酒調
下不飲酒以木香湯下

白玉膏 收縮癰疽令不蔓衍切忌用冷藥外貼逼毒氣入裏
殺人

杏仁 貳拾壹粒去皮尖別研 川椒 肆拾玖粒去 清油 壹兩 酒蠟 半兩
右文武火熬用柳青枝打紫黑色綿濾過再熬滴水成
珠收淨器內看瘡大小作新月樣紙花團圓貼候暈收
更促小瘡頭聚用後藥傳

損運散 治癰疽瘡腫未潰已潰皆可傳

一 伴身膏治一切癰疽瘡皆宜為瘡疔腫膿水不化者不可患事方 痔瘡痔方杏仁壹兩
脫脫半斤 言參膏 言參膏 言參膏 言參膏 言參膏 言參膏 言參膏 言參膏 言參膏 言參膏

去垢膩下回黃以杏仁快逐盡有涼虛之陰去之是言又言下黃丹初取
投膏水成珠即傾之於中則以紙花
白玉石方

擯榔

黃連

各半

川山甲

大者十片

右為末先點好茶以翎毛刷過瘡仍以茶清調藥傳瘡
上如熱甚則以雞子清調傳膿已潰則用長肌藥未快
則用替針圓

替針圓

治癰疽雖潰而膿不出用之即快

雄雀糞

式拾七箇
直者是

礪砂

別研

陳倉米

為末

右研勻以米飲圓如粟米每用壹粒貼在瘡頭或瘡眼
中即潰膿出

生肌散

傳癰疽瘡毒即生肌

黃狗頭骨

燒存性

膩粉

壹錢

桑白皮

各壹兩

右為末生麻油調傳自通聖萬金神異白玉擯連替針
生肌凡七方是一家行用均濟二因皆良藥也

明後散

治癰疽已潰排膿止痛利小便

瞿麥

壹兩

芍藥

桂心

赤小豆

酒浸

川芎

黃芪

當歸

白斂

麥門冬

去心各

右為末每服貳錢酒調下空腹服

內寒散

治癰疽熱退膿血不止排膿止痛

防風

茯苓

白芷

桔梗

遠志

甘草

人參

川芎

當歸

黃芪

桂心

兩

附子

炮

厚朴

姜製

赤小豆

酒浸

炒

右為末每服貳錢温酒米湯調下

千金內補散

治癰疽發背惡肌不盡服此消肌生肉

當歸

桂心

各半

人參

川芎

厚朴

姜製

防風

甘草

炙

白芷

桔梗

各壹

右為末每服貳錢匕酒調空腹服不能飲酒以木香湯
調下

本雄雀糞
二七箇

六

七

翼到本有
翼到本有
翼到本有

列本元字

善應膏治癰疽潰後長肌傳瘻

白芷

黃芪

各壹兩

甘草

貳兩

黃臘

貳兩

黃丹

貳兩

右前三味為麤末春秋用麻油四兩半夏四兩冬五兩
熬藥紫赤色綿濾去滓再入黃蠟黃丹以柳枝不住手
攪滴水成珠即止用如常法

猪蹄湯洗發背癰疽

猪蹄

壹具治如食法

黃芪

黃連

芍藥

各叁錢

黃芩

壹分

薔薇根

狼牙

各壹兩

右剉散以水貳斗煮猪蹄熟澄清得汁半許入藥煎至
二三分去滓洗瘡以帛拭乾日二如疼痛加當歸甘草
各一分

外食散治癰腫惡肉不盡膿水淋漓傳此能消肌長肉

白礬

銀錢內用瓦蓋

好染坯

血竭

各壹兩

右研細用桑漿旋搜為膏量瘡大小貼之忌鯽魚酒麵
毒物等

瘡漏脉例

經云陷脉為漏留連肉腠脉得寒即下陷凝滯肌肉故曰留
連肉腠肉冷亦能為膿血故為冷漏須用溫藥方如右

陷脉散治漏瘡及貳叁拾年癭瘤或大如杯孟久久不差致
有漏潰令人骨消肉盡或堅或軟或潰令人驚惕寐卧不
安寐中掣痛愈而復作

乾薑

炮

琥珀

大黃

附子

炮各壹兩

丹參

叁分

石硫黃

白石英

鍾乳粉

烏賊魚骨

各半兩

右為末貯以磁合韋囊勿令洩氣若瘡濕即傳無汁即
煎猪脂和傳之以乾為度或死肌不消加芒硝貳兩益
佳一法用胡燕屎壹枚

桂附圓治氣漏冷漏諸瘡

桂心

附子

甘草

白朮

木香

乳香

炮裂米醋中浸再炮
率三五次去皮決

厚朴

姜製

右為末煉蜜丸梧子大空腹米飲下貳叁拾圓

癰疽灸法

夫癰則皮薄腫高疽則皮厚腫堅初發並宜灼艾唯癰成則宜針疽膿成則宜烙若能審其名證早早施治仍用藥以攻利其根補托其裏不必告醫自料亦差但世人忽之爾醫方所以冠癰疽於雜病之先者知為大病也世醫失治療之序顛倒錯亂多致枉天良可歎息故備集得效灸法以貽學者庶不致妄投也

治初生癰疽發背神效灸法累試有驗江寧府紫極觀因掘得石碑載之

別本碑作碑

凡人初覺發背欲結未結赤熱腫痛先以濕紙覆其上立視候之其紙先乾處即是結癰頭也取大蒜切成片如當三錢厚薄安其頭上用大艾炷灸之三壯即換壹蒜片痛者灸至不痛不痛灸至痛時方住最要早竟早灸為上壹日貳日拾灸拾活三日四日陸柒活五六日三四活過七日則不可灸矣若有拾數頭作一處生者即用大蒜研成膏作薄餅鋪頭上聚艾於蒜餅上燒之亦能活也若背上初發赤腫一片中間有一片黃粟米頭子便用獨頭蒜切去兩頭取中間半寸厚薄正安於瘡上却用艾於蒜上灸拾肆壯多至四十九壯

三因極一病證方論卷之十四



